



寂調音所問經

一名如來所說清淨調伏

念

宋三藏法師法海奉詔譯

如是我聞一時婆伽婆遊王舍城耆闍崛山與大比丘僧八百人俱菩薩摩訶薩萬二千人及欲界色界淨居諸天子等爾時世尊與無量百千之衆恭勞圍遶而為說法爾時衆中有一天子名寂調音承佛威神從坐而起偏袒右肩右膝著地合掌向佛而白佛言世尊文殊師利法王子今在何所此諸大衆為聞法故渴仰欲得見彼賢士爾時世尊告寂調音東方去此過五佛土有世界名曰寶住佛號寶相如來應供正遍知今現在文殊師利法王子為彼諸菩薩摩訶薩如應說法時寂調音天子白佛言世尊願現微相令彼賢士而來會此所以者何世尊惟除如來一切聲聞辟支佛无能說法如彼文殊師利法王子者何以故以世尊文殊師利法王子說法力故魔不得便令諸魔宮隱蔽不現志能降伏群邪異學增上憍

寂調音所問經 第二張 念字號

者離於慢心未發菩提心者令其發心已發心者得不退轉可攝受者即便攝受未任攝受方便調伏令佛正法得久住世爾時世尊受寂調音天子請已於大丈夫白毫相中放一光明此勝光明遍照三千大千世界徹照萬佛刹已遍照寶住世界彼諸菩薩摩訶薩見此光已白寶相佛言是何瑞相令此世界大光普照彼佛告言善男子等西方去此過萬佛土有世界名曰娑婆彼有如來名釋迦牟尼應供正遍知今現在說法是彼如來所放白毫相光此光徹過萬佛刹已來照此世界彼諸菩薩白其佛言釋迦牟尼如來以何緣故放此光明彼佛告大衆言善男子等釋迦如來與無量百千億菩薩釋梵護世比丘比丘尼優婆塞優婆夷衆為聽法故渴仰欲見文殊師利聞其說法是故彼佛放此光明爾時寶相如來應正遍知告文殊師利法王子言善男子汝詣娑婆世界彼釋迦牟尼如來及諸大衆速欲見汝聞所說法時文殊

寂調音所問經 第三張 念字號

師利白彼佛言唯然世尊已見光明時文殊師利法王子即與万菩薩俱頂禮彼佛右遶三匝已猶如力士屈申辭頌與万菩薩於彼世界忽然不現至娑婆界住於空中為供佛故即雨第一淨花其花香氣普遍大眾積至于膝是時大眾性未曾有而白佛言世尊是誰神力雨此妙花佛告大眾此是文殊師利法王子與万菩薩從寶住世界來至娑婆為供佛故於上空中雨此妙花寂調音天子白佛言世尊願樂欲見文殊師利及彼菩薩摩訶薩衆世尊彼善丈夫是无救者救作是語已即時文殊師利法王子與万菩薩從上空中忽然而下頂禮佛足遶七匝已文殊師利即坐已力所化蓮花師子座上及万菩薩亦頂禮佛足右遶七匝於世尊前合掌向佛而作是言世尊寶相如來應正遍知敬問世尊少病少惱氣力康耶時彼菩薩作是語已各坐已力所化座上是時寂調音天子白佛言世尊今此大眾渴仰欲聞文殊師利法王

寂調音所問經 第四張 念字號

子所說妙法惟願世尊聽我少問佛告天子有所疑者恣聽汝問時寂調音天子以恭敬心向文殊師利作是問言寶相如來世界以何說法仁者樂彼文殊師利言天子彼所說法不為生貪欲故不為盡貪欲故不為生瞋恚故不為盡瞋恚故不為生愚癡故不為盡愚癡故不為生煩惱故不為盡煩惱故所以者何夫法無生則无有盡天子言文殊師利彼土衆生無貪欲等諸結使生與滅耶文殊師利言如是天子言若如是者彼佛說法為何所斷文殊師利言法本无生為何所盡所以者何彼佛世界衆生無知无斷無修无證彼界衆生貴第一義諦不貴方便諦天子言文殊師利何者第一義諦何者方便諦文殊師利言天子義者不以生故得稱不以壞故得稱無處所相无非處相非一相非無相无影響相不可相非不可相不可盡非不可盡非墮落非不墮落是名第一義諦天子義者无心無心相續非跡非不跡非此岸非彼

寂調音所問經 第五張 念字號

岸非中流是名第一義諦无名稱無文字處是名第一義所以者何世尊說一切音聲悉皆虛妄天子言文殊師利世尊所說亦虛妄耶文殊師利言世尊不說實不說虛妄所以者何世尊住離二邊離心意言說於有為無為法中不說實不說虛是故無二天子於汝意云何如來所化化人若有所說為實為虛天子言二俱无也所以者何如來所化人無身無成就文殊師利言如是天子如來說一切法同於化性不說實不說虛是故無二天子言文殊師利如來云何說第一義諦文殊師利言天子第一義諦不可言說何以故不可言說何以故不可言說不可說不可名是名第一義諦說此第一義諦時五百比丘遠塵離垢於諸法中得法眼淨二百天子得無生法忍寂調音天子復問文殊師利第一義者難可究盡文殊師利言如是天子第一義諦不正精進者難可究盡天子言云何菩薩正精進耶文殊師利

言若菩薩不為知不為斷不為修不為證而精進者是名正精進所以者何若謂此應知此應斷此應修此應證者此則有相此則取者此則戲論此則有作若如是行不名正精進天子言若如是者復去何名正精進耶文殊師利言如如等法界等即與元聞等如如等法界等即與見等凡夫法等學法無學法聲聞法緣覺法菩薩法佛法等即諸行等涅槃等垢等淨等如是平等精進者名正精進天子言文殊師利何等如與垢淨等文殊師利言空無相无願如所以者何涅槃空故天子如瓦器中空寶器中空無二无別如是天子垢空淨空俱同一空無二無別天子言文殊師利菩薩於諸聖諦應精進不文殊師利言天子若菩薩不於諸諦起精進者去何當為聲聞說法所以者何菩薩修諦必有所為聲聞修諦則無所為菩薩修諦有善方便聲聞修諦无善方便菩薩修諦有所觀察聲聞修諦无所觀察菩薩修諦為一切衆生而

不證實際菩薩修諦方便堅固而不捨生死及涅槃門菩薩修諦為一切佛法故天子喻如有人離大商主獨度曠野心懷驚怖方乃得過天子聲聞之人亦復如是畏懼生死心懷驚怖於此世界無有還心亦復无有為衆生心觀生死曠遠於諸佛法無有方便獨一無二而修諸諦天子如彼商主多諸財寶資產豐實度曠野已廣利衆生如是天子菩薩之人如大商主具足大慈大悲成就法利具於寂滅善御巧便調伏資產乘六度船執四攝弓箭成就方便為於佛法而修諸諦天子喻如狗皮以須湯瞻葡萄婆師迦而用熏之雖變為香一切人天所不愛樂聲聞修諦亦復如是願不滿足中般涅槃不能出生多聞定慧解脫知見之旨亦不能斷伏煩惱習結不為人天之所愛樂天子喻如天迦尸迦衣以多竭流阿竭流旃檀婆師迦等百千種淨香常以熏之一切人天之所愛樂菩薩亦復如是於百千億那由他阿僧祇劫以修諸法

而自熏修於其中間不般涅槃諸願滿足廣能出生無上淨香多聞定慧解脫知見功德之香斷伏煩惱習結一切人天阿修羅等之所愛樂寂調音天子復謂文殊師利法王子言文殊師利彼寶相如來世界諸聲聞衆功德雲何仁能與其俱共樂彼文殊師利言彼聲聞衆非堅信非不隨他信非堅法非異法界非八人而度八邪非須陀洹而一切惡道畏非斯陀舍為化衆生示有去來非阿那含去至過去一切法中非阿羅漢應受三千世界利養實非聲聞而能解了諸佛所說不離欲染然復不為欲火所熱於取者處離諸怖望不離瞋恚不為恚惱所惱於一切衆生不起恚辱不離愚癡不為愚癡所蔽於一切法離諸暗冥不離煩惱勤為衆生斷諸煩惱未昇決定而不受生化度衆生而无我相無所受取而畢報施恩無恩无念而修諸念處無生无滅而修諸正勤離於身心而起諸神足為滿足一切衆生神通故而修諸通

寂調音所問經 第九張 念字字

為增長一切衆生根故而修諸根為摧滅一切煩惱故而修諸力為覺了平等智故而修諸覺為度一切邪徑故而修諸道為得道故而證無為為入實際故而修於通為入法界故而起知見為盡無明故而起於明為離一邊故而修解脫能以實眼悉見諸佛及世界世界衆生以天眼見一切衆生生死以慧眼領知一切衆生心行以法眼見諸法平等觀三世一切衆生平等以佛眼照明佛法以天耳解一切佛所說以一心知一切衆生心行心憶念智念過去劫際以神足過無邊佛刹諸漏已盡而於无生心得解脫雖復可見而不成就色身雖有文字而無言說心不思議言辭无尋顏色端嚴善可樂見具諸相好功德莊嚴威德難親名聞高遠體具稱譽世法不染不為衆惱所惱不為惡言所汚遊戲諸通多聞應辯智見踊悅滅暗冥黑熾然智慧說法无尋深入捨持諸佛願念非聲聞辟支佛所見念如大海定如須弥堪任如地神

寂調音所問經 第十張 念字字

足變現如因陀羅心得自在喻如梵王無等等與空等遍一切處入一切處天子彼寶相如來世界諸聲聞衆德皆如是復更成就無量功德說此法時五百比丘五百比丘尼五百優婆塞五百優婆夷五千天子等未昇決定者各作是言我等願欲樂往彼土寶相如來諸聲聞衆文殊師利言善男子等不可以聲聞心得生彼土是故汝等宜應發阿耨多羅三藐三菩提心乃可得生時諸大衆為生彼故發阿耨多羅三藐三菩提心願生彼土世尊即說當得往生

寂調音所問經 第十張 念字字

以大悲心念一切衆生為成就諸佛之法調伏菩薩以少分行調伏聲聞以遍一切世間行調伏菩薩以捨衆魔調伏聲聞以怖一切世界衆魔摧伏異論調伏菩薩以成就已心調伏聲聞以成就無上菩提心調伏菩薩以照明已照調伏聲聞以照明一切世界衆生身及佛法調伏菩薩以次第方便調伏聲聞以一剎那心方便調伏菩薩以斷三寶種調伏聲聞以長養三寶種調伏菩薩以治破瓦石器調伏聲聞以治破金銀器調伏菩薩以不成就十力四无所畏佛十八不共法調伏聲聞以成就十力四无所畏佛十八不共法調伏菩薩以不成就六波羅蜜方便四攝調伏聲聞以成就六波羅蜜方便四攝調伏菩薩以獨處林藪樂於遠離調伏聲聞以樂園林臺觀樂於法樂調伏菩薩以斷煩惱習調伏聲聞以不斷煩惱習調伏菩薩以有量有思議有等有數調伏聲聞以無量不思議无等無數調伏菩薩是名調伏

尔時世尊嘆文殊師利法王子言善哉善哉汝善說此菩薩調伏汝今聽我說喻更明此義文殊師利喻如一人終身嘆說牛跡中水復有一人嘆大海水文殊師利於汝意云何如此二水可相比不文殊師利白佛言世尊牛跡甚少其歎亦少大海无量歎亦無量佛言如是文殊師利喻如牛跡水少其歎亦少聲聞調伏亦復如是喻如大海水既無量歎亦无量菩薩調伏亦復如是說是法時万二千天子發阿耨多羅三藐三菩提心而作是言世尊我等亦欲學菩薩調伏當以調伏無量衆生寂調音天子復謂文殊師利法王子言文殊師利仁者學何調伏為學聲聞調伏緣覺調伏菩薩調伏耶文殊師利言天子於汝意云何頗有大海不受衆流者不天子言無也文殊師利言如是天子諸菩薩調伏喻如大海於諸調伏勤作方便修聲聞調伏緣覺調伏菩薩調伏天子言文殊師利調伏句者是何義耶文殊師利言若知煩惱斷煩

惱者謂是調伏天子言文殊師利云何調伏煩惱云何知煩惱文殊師利言若妄想分別憶想不善順思惟計有彼我斷俱行見纏顛倒无明等如是為煩惱縛著若不妄想不分別不憶想善順思惟不計彼我俱行見纏顛倒離無明等是名滅煩惱无憶想及究竟調伏天子是名究竟調伏菩薩若復以智如是知煩惱微小虛誑不堅牢空無主无我無所屬无所從來去無所至无方處非内非外非兩中間非積聚物無色无形無相无貌無處所如是煩惱究竟滅天子喻如有人能識毒蛇種性所生則能滅毒如是天子若知煩惱種性所生能滅煩惱天子言文殊師利云何為煩惱種性所生文殊師利言天子從妄想生煩惱若無妄想則无煩惱無煩惱故則无禪窟無禪窟故則无所住无所住故則无惱害無惱害故則究竟調伏天子言文殊師利為有煩惱故調伏為无煩惱故調伏文殊師利言天子喻如有人夢為毒蛇所螫此人為苦

所逼即於夢中而服解藥以服藥故毒氣得除天子於汝意云何此人實為蛇所螫不耶天子言不也文殊師利言彼毒實為除不耶天子言文殊師利如實不被螫除亦如是文殊師利言天子一切賢聖調伏亦復如是天子汝作是言為有煩惱故調伏无故煩惱亦如是如我無我亦无如是有煩惱無煩惱亦尔以我即无我故有煩惱無煩惱此處餘處无有煩惱可調伏所以者何一切法寂靜不可愛故一切法寂靜不可取故一切法究竟寂靜不可生故一切法無盡以不生故一切法无生無成就故一切法无成就無作者故一切法无我作者以無我故一切法无我以無主故一切法无主與虚空等故一切法無来无所依故一切法無去无禪窟故一切法無住无所安立故一切法無安立生即滅故一切法无為以無漏故一切法无受究竟調伏故

寂調音天子復謂文殊師利法王子

藏經音所問經 第十五張 念字

言諸法以何為寂文殊師利言生死
 所習不善順為寂趣但眼界善順為
 寂於障導中不精進為寂於正覺中
 精進為寂於諸蓋中疑網為寂種種
 相中得解觀為寂諸煩惱中妄想為
 寂無煩惱中不妄想為寂於諸覺中
 多事為寂於滅心中禪定為寂於諸
 見中增上慢為寂於空法中无增上
 慢為寂諸不善法中惡知識為寂諸
 善法中善知識為寂一切苦法中邪
 見為寂一切樂法中正見為寂於貧
 窮中慳貪為寂於大富中布施為寂
 於惡趣中破戒為寂於勝趣中持戒
 為寂於垢心中瞋恚為寂於淨心中
 忍辱為寂於退善法中懈怠為寂於
 修善法中精進為寂於散亂中諸覺
 為寂於一心中禪定為寂無智慧中
 愚癡為寂於三十七助道法中般若
 為寂於慈心中无尋為寂於悲心中
 專念不諂為寂於喜心中樂法樂為
 寂於捨心中離愛憎為寂於念處中
 不忘宿善根為寂於正勤中正方便
 為寂於如意足中身心輕為寂於諸

藏經音所問經 第十六張 念字

根中信首為寂於諸力中摧伏煩惱
 為寂於諸覺中悟平等為寂於八聖
 道度一切邪道為寂於佛法中菩提
 心為寂於攝法中財法為寂導化眾
 生中說法為寂於方便中處非處智
 為寂於般若波羅蜜中知一切眾生
 心行相續到彼岸為寂於六波羅蜜
 中大乘為寂於求空中慧明為寂於
 法忍出離中不由他為寂
 寂調音天子復謂文殊師利法王子
 言文殊師利法界以何為寂文殊師
 利言天子法界以平等為寂天子言
 文殊師利法界以何為界文殊師利
 言法界以一切眾生界為界天子言
 文殊師利法界頗有分齊不文殊師
 利言天子於汝意云何空界頗有分
 齊不天子言無也文殊師利言天子
 如空界无分齊法界亦如是無有分
 齊天子言文殊師利法界若尔仁者
 云何知法界耶文殊師利言法界即
 無法界法界不知法界天子言文殊
 師利若如是者仁知何法辯乃如是
 文殊師利言天子於汝意云何呼聲

藏經音所問經 第十七張 念字

響為知何法而有應聲天子言呼聲
 響無所知但以因緣合故便有聲出
 文殊師利言如是天子以緣眾生為
 境界故諸菩薩便有應辯天子言仁
 者為住處而說法耶文殊師利言天
 子如來所住作化人所住說法我所
 說法亦復如是天子言文殊師利如
 來所住無所住故而有所說文殊師
 利言我亦如是无所住故而有所說天
 子言文殊師利若一切處無所住者
 仁住何處當得阿耨多羅三藐三菩
 提文殊師利言我住無間當得阿耨
 多羅三藐三菩提天子言彼无間復
 何所住文殊師利言天子無間者无
 根本無所住天子言文殊師利成就
 无間業者如來不說趣無間獄耶文
 殊師利言天子有无間業者如來說
 趣無間獄如是天子菩薩住五无間
 速得阿耨多羅三藐三菩提何等為
 五若菩薩專念發阿耨多羅三藐三
 菩提心時於其中間不墮聲聞辟支
 佛地復次若廢捨一切所有心時於
 其中間不與慳垢心俱復次我應當

救一切眾生於其中間不生下劣心
復次知一切法無生已於生法中得
忍於其中間不與諸見俱復次所應
如應見應證處應正覺了如是一切
悉以一心一剎那勤方便慧正覺了
至得一切知於其中間終不懸廢天
子是名五無間菩薩住是无間速得
阿耨多羅三藐三菩提天子言文殊
師利頗有凡天愚人住無間罪趣无
間獄菩薩即住是无間可證阿耨多
羅三藐三菩提不耶文殊師利言有
天子言以何方便文殊師利言天子
一切法以諸入空空故空無相无願
無生无起無作无為順緣起故則是
菩提天子言文殊師利此法不可見
誰當信耶文殊師利言若不信順如
來者去何當信聲聞耶天子言若如
是者去何當得解脫耶文殊師利言
若不行我者若不受一切煩惱者若
復受持如是經典者若以大悲授一
切眾生法手者曰彼等有何相貌曰
彼等當有相貌陰界入相貌曰彼等
當有何行曰當有空无相無願行曰

彼等當何所趣曰彼等當趣一切智
當趣一切眾生心行曰文殊師利退
轉菩薩去何曰天子若退轉菩薩得
阿耨多羅三藐三菩提者無有是處
曰於何退轉曰於一切煩惱及聲聞
辟支佛地曰去何不退回曰若與平等
等曰文殊師利平等句者有何義曰
此是不異之說曰文殊師利若如是
者去何知一切法差別曰天子不知
平等者於平等中生差別行差別故
趣於差別若知平等者則不行差別
以不行差別故即趣平等謂趣无差
別天子言文殊師利頗有有煩惱菩
薩有菩薩不曰有曰以何方便文殊
師利言若菩薩無煩惱如聲聞者則
无受生天子菩薩為斷一切眾生煩
惱故起大悲發菩提心名有菩提文
殊師利頗有菩薩有慳有菩提不耶
曰有天子言以何方便文殊師利言
若菩薩不捨菩提心而化度眾生攝
受諸法是菩薩有慳成就檀波羅蜜
天子言文殊師利頗有菩薩捨戒成
就尸波羅蜜不曰有天子言以何方

便文殊師利言若菩薩以化度眾生
故為於眾生是菩薩无戒成就尸波
羅蜜天子言文殊師利頗有菩薩捨
忍成就羼提波羅蜜不曰有天子言
以何方便文殊師利言若菩薩捨一
切異道忍修佛法忍是菩薩捨忍成
就羼提波羅蜜天子言文殊師利頗
有菩薩捨於精進成就毗梨耶波羅
蜜不曰有天子言以何方便文殊師
利言若菩薩捨聲聞辟支佛精進趣
等正覺菩提是菩薩捨精進成就毗
梨耶波羅蜜天子言文殊師利頗有
菩薩忘念成就禪波羅蜜不曰有天
子言以何方便文殊師利言若菩薩
乃至夢中不生聲聞辟支佛念常定
不捨等正覺心是菩薩忘念成就禪
波羅蜜天子言文殊師利頗有菩薩
無智慧成就般若波羅蜜不曰有天
子言以何方便文殊師利言若菩薩
一切世間盡道起尸諸惡呪術於中
无慧惟為成就攝一切智是菩薩無
慧成就般若波羅蜜
尔時世尊嘆文殊師利法王子言善

教誨音所問經 第三十卷 念字号

教誨音所問經 第三十卷 念字号

教誨音所問經 第三十卷 念字号

哉善哉文殊師利善說菩薩摩訶薩
 所應行所不應行又文殊師利吾當
 為汝說喻重明此義文殊師利辭如
 有人飢渴羸瘦彼人寧忍飢渴終不
 食於雜毒之食何以故食可畏故如
 是文殊師利菩薩寧慳嫉破戒惡名
 懶惰忘念无慧終不憍求聲聞辟支
 佛地所以者何以可畏故天子白佛
 言世尊諸菩薩不畏煩惱耶佛告天
 子應畏煩惱畏聲聞辟支佛地復過
 於彼又天子我今問汝隨汝意答天
 子於汝云何樂生之人當畏何處為
 畏斬首斬支節耶天子白佛言世尊
 畏於斬首所以者何斬支節能修福
 業生於勝處其斬首者無有壽命不
 能修福佛告天子如是菩薩寧毀禁
 戒終不捨見寧有煩惱終不昇於聲
 聞決定天子白佛言希有世尊菩薩
 所行世所難信所以者何聲聞之人
 持戒精進乃是菩薩破戒懶惰佛告
 天子如汝所言如貧人食是轉輪王
 毒如是天子聲聞之人持戒精進即
 是菩薩破戒懶惰天子喻如有人備

作自活其人尚自不能資眾眷屬令
 得快樂况復餘人如是天子聲聞精
 進為自斷結以此精進不能令閻浮
 提人得樂况餘一切天子如大商主
 多饒財寶常樂賑給精進不息則能
 利益一切眾生如是天子菩薩專心
 精進成就悲愍則能利益一切眾生
 為無量眾生而作樂因能授世間出
 世間之樂
 尔時長老摩訶迦葉白佛言世尊聲
 聞之人證无為法菩薩之人到於有
 為到有為者云何輕蔑到無為者佛
 告迦葉吾當為汝說喻以明此義迦
 葉喻四大海滿中生酥有人析於一
 毛以為百分以一分毛取酥一滂迦
 葉於汝意云何分毛滂能輕滿四海
 生酥不如葉白佛言世尊不能輕也
 佛告迦葉於汝意云何此二酥中何
 者為多何者價貴迦葉復白佛言世
 尊一大海生酥億百千分之一尚多
 尚勝况復四海迦葉如百分毛一所
 舉酥滂當知聲聞無為智亦不如葉
 如四大海生酥當知菩薩有為善根

百千阿僧祇劫迴向一切智亦復如
 是迦葉喻如蟻子取一粒糞比秋月
 糞成熟之時一切大地所有諸糞迦
 葉於意云何如此二糞何者多勝迦
 葉白佛言世尊秋月熟时无量眾生
 各得受用此為多勝如是迦葉如蟻
 子所取一粒之糞當知聲聞解脫果
 亦復如是迦葉猶如秋月一切大地
 苗稼成熟當知菩薩具六波羅蜜四
 攝善根此成熟已則能利益無量眾
 生亦復如是迦葉喻如百千馱水精
 器未入城邑復有一无價琉璃寶珠
 於大海中載船舫上安隱得至閻浮
 提界到已則能除人貧乏窮患迦葉
 於汝意云何諸水精器頗能輕此無
 價琉璃寶不如葉白佛言不敢輕也
 迦葉如水精馱入城邑者當知聲聞
 无為亦復如是如無價琉璃大寶當
 知菩薩紹三寶種使不斷絕生一切
 智寶心亦復如是
 尔時長老摩訶迦葉白佛言希有世
 尊如來善說一薩婆若心寶菩薩則
 勝一切聲聞辟支佛尔時寶相如來

刹土諸來菩薩聞說此法已咸懷希
有白佛言世尊此諸所說皆是戲論
有種種垢淨起諸異說彼寶相如來
刹土惟說菩薩不退轉法無煩惱纏
希有難及釋迦如來應正遍知乃能
堪忍如是煩惱於無分別一味法中
說上中下顯示三乘差別之異今時
諸菩薩以諸天花供養如來已謂文
殊師利法王子言文殊師利我等欲
還寶住世界文殊師利言善男子等
宜知是時諸菩薩言仁者不俱去耶
文殊師利言善男子刹土平等佛法
及衆生平等處我欲樂是當趣是處
諸菩薩曰文殊師利以何方便文殊
師利言一切刹土平等無盡故諸佛
等正覺不可思議一切法空衆生自
性無我諸善男子我觀平等性如是
故作是說言一切刹土平等一切佛
法衆生平等故我趣是處於是文殊
師利即入三昧變此世界如寶住世
界一切大衆咸悉得見無增无減亦
見世尊釋迦牟尼色貌形體如寶相
如來諸聲聞衆皆如彼菩薩形色相

貌時彼菩薩見是相已皆謂已到寶
住世界咸謂釋迦牟尼佛即是寶相
如來而白佛言世尊誰將我等還此
世界佛告諸菩薩善男子等汝等去
時誰將汝去諸菩薩言文殊師利法
王子佛告諸菩薩亦彼將還時文殊
師利從三昧出謂諸菩薩言善男子
各念三昧時諸菩薩各各念已所得
三昧現在前已而作是念希有希有
我等今者猶在於此乃謂已到寶住
世界時諸菩薩恠未曾有而白佛言
甚奇世尊文殊師利法王子乃能有
是不可思議神通定力世尊願諸衆
生得神通力如文殊師利佛告諸菩
薩言善男子等喻如金銀頗梨金剛
梅檀等寶器及瓦器等是諸器等皆
受空界空界遍在諸器以空界平等
故如是善男子等若法如際及空此
等諸法即一無老入第一義空故而
彼衆生以作種種行故受種種生亦
現千種我分化成若干千色所受地
獄畜生餓鬼人天色聲聞辟支佛菩
薩佛色此等諸色雖皆可見平等色

如色空等一無老无有別異善男子
等以是義故當如是知文殊師利法
王子言一切刹土等無別異故一切
佛等一切法等一切衆生等无差別
故時諸菩薩受世尊如法教法深生
厭離心得喜悅頂礼佛足右遶三匝
離世尊已即於娑婆世界不現還至
寶住世界今時世尊告慧命阿難言
阿難此勝經典汝當受持讀誦廣令
通利所以者何若能以此經典廣為
人說若能故聽受者則得無量福聚
阿難白佛言唯然世尊我已受持當
何名此經云何奉持佛告阿難此經
當名寂調音所問如是受持又名如
來所說清淨調伏受持佛說經竟寂
調音天子文殊師利法王子長老摩
訶迦葉慧命阿難及諸時會大衆天
龍夜叉乾闥婆阿修羅護世等聞佛
所說歡喜奉行

寂調音所問經

寂調音所問經

校勘記

- 一 底本，金藏廣勝寺本。
- 一 五五頁中一行及卷末「所問經」，
石作「所問經一卷」。
- 一 五五頁中一行夾註末字「伏」，資、
磧、普、南、經、清作「伏經」。
- 一 五五頁中二行譯者，石作「宋沙門
法海譯」；資作「宋沙門釋法海
譯」；磧、普、南、經、清作「劉宋沙
門釋法海第四譯」。
- 一 五五頁下九行末字「告」，磧、普、
南、經、清作「報」。
- 一 五五頁下末行第四字「速」，資、
磧、普、南、經、清、麗作「遲」。
- 一 五六頁上五行第五字「界」，資、
磧、普、南、經、清作「世界」。
- 一 五六頁下八行「汝意云何如來」，
資作「汝云何如意來」；磧、普、南
作「汝意何云如意如來」。
- 一 五六頁下一〇行「所化人」，諸本
作「所化化人」。
- 一 五七頁上八行首字「聞」，資、磧、
南、經、清作「聞」。
- 一 五七頁中四行第八字「方」，資、
磧、普、南、經、清、麗作「劣」。
- 一 五七頁中一八行及下三行「斷
伏」，石、麗作「斷依」；資、磧、普
作「斷復」。
- 一 五七頁中一九行及下三行「習結」，
石、麗作「習緒」。
- 一 五七頁下七行「功德行」，石、資、
磧、普、南、經、清作「功德」；麗作
「德行」。
- 一 五七頁下一〇行「一切」，資、磧、
普、南、經、清、麗作「離一切」。
- 一 五七頁下一一行第八字「示」，石、
資、磧、普、南、經、清作「亦」。
- 一 五八頁上五行第八字「通」，資、
磧、普、南、經、清作「道」。
- 一 五八頁上九行第八字「領」，石作
「願」；資、磧、普、南、經、清作
「預」。
- 一 五八頁上一三行第三字「心」，諸
本作「以」。
- 一 五八頁上二〇行末字至二一行首
字「踊悅」，資、磧、普作「踊銳」；
南、經、清作「勇銳」；麗作「誦悅」。
- 一 五八頁中二行第四字「等」，石無。
- 一 五八頁中七行第一三字「往」，資、
磧、南、經、清作「作」。
- 一 五八頁下三行第六字「聞」，資、
磧、南、經作「調」。
- 一 五九頁下九行第八字「無」，資、
磧、普、南、經、清作「無無」。
- 一 六〇頁上五行第四字「解」，資、
磧、普、南、經、清作「解脫」。
- 一 六〇頁中三行首字「道」，資、磧、
普、南、經、清作「道中」。
- 一 六〇頁中二二行「辯乃」，資、磧、
普、南、經、清作「乃辯」。
- 一 六〇頁下五行第四字「處」，資、磧、
普、南、經、清、麗作「何處」。
- 一 六〇頁下二二行第六字「廢」，資、
磧、普、南、經、清作「發」。

- 一 六〇頁下末行第七字「垢」，**南**、**經**作「妬」。
- 一 六一頁上四行首字「如」，諸本作「知」。
- 一 六一頁上六行「一切知」，諸本作「一切智」。
- 一 六一頁中一四行第四字「薩」，諸本作「提」。
- 一 六一頁下四行首字「忍」，**磧**、**普**作「思」。
- 一 六一頁下一三行「忘念」，**資**、**磧**、**普**、**南**、**經**、**清**作「妄念」，下同。
- 一 六二頁上一七行第五字「見」，**資**、**磧**、**普**、**南**、**經**、**清**作「於一切智心」。
- 一 六三頁中四行第一二字「云」，**資**、**磧**、**普**、**南**、**經**、**清**無。
- 一 六三頁中一八行「若法」，**資**、**磧**、**普**、**南**、**經**、**清**作「善法」。
- 一 六三頁中二〇行末字「亦」，諸本作「示」。
- 一 六三頁下五行首字「故」，**資**、**磧**、**普**、**南**、**經**、**清**無。